

## Msalaba Ndiyo Kitovu

*Nami nikiinuliwa juu ..., nitawavuta wote kwangu—Yohana 12:32.*

**M**salaba wa Kalvari ni changamoto, na hatimaye utatiisha kila nguvu ya kidunia na ya kuzimu. Msalabani ni kitovu cha mvuto yote, na mvuto yote hutokea hapo. Ni kituo kikuu cha mvuto; kwa maana juu yake Yesu alitoa maisha Yake kwa ajili ya jamii ya wanadamu. Kafara hii ilitolewa kwa kusudi la kumrejesha mwanadamu kwenye ukamilifu wake wa asili. Naam, zaidi sana, ilitolewa ili kumpatia badiliko kamili la tabia, likimfanya kuwa zaidi ya mshindi. Wale ambao kwa uweza wa Yesu wanamshinda yule adui mkubwa wa Mungu na mwanadamu watakuwa na mahali katika nyua za mbinguni juu zaidi ya malaika wasioanguka kamwe.

Yesu anatangaza, “Mimi, nikiinuliwa juu ..., nitawavuta watu wote kwangu.” Ikiwa msalaba haupati mvuto unaopelekana nao, huwa unaonesha mvuto husika. Tangu kizazi hata kizazi, ukweli wa wakati huu unafunuliwa kama ukweli wa sasa. Pale msalabani Yesu alikuwa ni njia ambayo kwayo rehema na kweli zilikutana, na haki na amani zilihusiana. Huu ndiyo uwezo ambao unapaswa kuuongoza ulimwengu.

Katika mpango wa Mungu, utajiri wote wa mbinguni unapaswa kuvutia ushawishi wa wanadamu. Hakuna kitu katika hazina ya rasilimali za Mungu kinachohesabiwa kutowezekana kuandamana na karama kuu ya Mwana pekee wa Mungu.... Yesu alikuwa na uweza wa kuwapulizia wanadamu walioanguka pumzi ya uzima. Wale wanaompokea kamwe hawatakuwa na njaa, wala kiu; kwa maana hakuwezi kuwa na furaha kuu kuliko ile ipatikanayo kwa Kristo Yesu. Soma maneno yaliyosemwa na Mwokozi kutoka kwenye Mlima wa Baraka. Namna ambavyo asili ya Mungu ilianguka kupitia kwa ubinadamu kadiri midomo Yake ilivyotamka baraka juu ya wale ambao walikuwa walengwa wa rehema na upendo Wake. Aliwabariki kwa ukamilifu ambao ulionesha kwamba Alichota kwenye hazina isiyoisha ya hazina zote. Hazina za milele zilikuwa katika mamlaka Yake. Baba aliachia rasilimali za mbinguni Kwake, na hakuwa na mipaka katika kuzitumia. Wale wanaomkubali kuwa Mwokozi wao, Mkombozi wao, Mfalme wa uzima, anawathibitisha mbele ya jeshi la mbinguni, mbele ya ulimwengu usio asi, na mbele ya ulimwengu ulioasi kuwa hazina Yake ya pekee....

Ukristo ni nini? Ni chombo cha Mungu kwa ajili ya uongofu wa wenye dhambi. Yesu atamwajibisha kila mtu ambaye hatawekwa chini ya udhibiti Wake, ambaye haoneshi mvuto wa msalaba wa Kalvari maishani mwake. Yesu anapaswa kuinuliwa juu na wale ambao Aliwakomboa kwa kufa kifo cha aibu pale msalabani. Yeye ambaye amepata uzoefu wa nguvu ya neema ya Yesu anacho kisa cha kueleza. Anatafuta kuweka mbinu za utendaji kazi ambazo zitaeneza injili ya Kristo. Ubinadamu, ukichota ufanisi wake kutoka kwenye chanzo kikuu cha hekima, unafanywa kuwa chombo, wakala wa kufanya kazi, ambacho kwacho injili hutumia nguvu zake za kubadilisha akili na moyo (**Manuscript 56, 1899**).